



S.^{Excia} ministru Administrasaun Estatál, Dr. Valentim Ximenes ho ekipa PNDS wainhira hare Sistema Be'e Mos iha Suku Gariuai, Aldeia Uiabiana, Munisípiu Baucau.

Ministru da Administrasaun Estatál, Valentim Ximenes Hamutuk ho Ekipa Hala'o Primeira Vizita iha Munisípiu Baucau

Iha loron 29/09/2017, Ministru Administrasaun Estatál, Valentim Ximenes, hala'o primeira vizita iha munisípiu Baucau hodi hatene atividade servisu funsionariu nian. Enkontru ne'e Akompanha husi Sekretária Munisípiu, Diretor husi liña Seitorais Munisípiu, Administrador do Posto 6 nomo's Funsionáriu Munisípiu.

Objetivu husi primeira vizita ne'e atu hare'e, presidenti autoridade ho ninia pesoál sira oinsá sira halo preparasaun atu dezentraliza poderes ba iha munisípiu Baucau iha tempu badak depende ba lei ne'ebé mak aban bairua fo tun mai kraik. Iha primeira enkontru iha munisípiu Baucau, S.^{Excia} ministru Administrasaun Estatál, Dr. Valentim Ximenes, hatete importante liu mak oinsá mak prepara administrasaun ida ne'e funsiona ho diak, ema servisu tuir ordem, disiplina tuir regras no oinsá sector sira ne'ebé integra iha munisípiu Baucau halo nia fungsaun ho diak.

Iha enkontru ne'e mos S.^{Excia} Ministru da Administrasaun Estatal, Valentin Ximenes halo vizita ba Sistema Be'e Mos iha Suku Gariuai, Aldeia Uiabiana, Munisípiu Baucau ne'ebe sai preokupasaun comunidade iha suku refere maibe ekipa enjineiru nasional no munisípiu Baucau bele rejolve preokupasaun husi comunidade sira konaba prosesu manutensaun ne'ebé, agora dadaun PNDS hala'o ona koordenasaun ho setores iha Nivel Nasional Nomo's komesa dadauk ona ba iha Nivel Munisípiu atu integra prosesu Manutensaun ba Projeitu hotu ne'ebé maka implementa husi PNDS ba iha Linha Setorais. Ba Sistema Be'e Mos sein Intrega ba iha SAS Munisípiu liu husi Grupo Maneija Facilidades (GMF) nebe'e maka estabelese ona husi DNSA.

Sekretariadu PNDS Nasional Hala'o Enkontru Hamutuk PNTL no Embaxada Japaun Kona-ba Konstrusaun Uma Polisia Komunitariu

Konstrusaun uma ba polisia komunitariu sanulu resin hat ne'ebé konstrui ho orsamentu doadores ne'ebé hetan apoiu husi Governu Japaun liu husi embaxada Japaun iha Timor Leste ne'e tama ona ba iha etapa diskusaun dezeñu no kostu ba implementasaun Obra.

Iha enkontru konsultasaun ne'ebé Sekretariadu Tékniku PNDS halo hamutuk Komando Geral PNTL no Governu Japaun liu husi Representante Embaxada Japaun iha Timor Leste ne'e hala'o iha salaun enkontru Komando Geral PNTL, enkontru kontinua diskuti kle'an liu tan kona-ba dezeñu no kustu tanba governu Japaun ne'ebé apoiu orsamentu ne'e hakarak konstrusaun uma ba polisia komunitariu ne'e uza Sistema PNDS.

Tuir komandante Operasaun PNTL, Henrique Da Costa, katak doador sira hakarak uza mekanizmu PNDS hodi implementa umasanulu resin hat ba polisia komunitariu ne'e tanba tuir avaliasaun ne'ebé doador sira halo katak mekanizmu ne'ebé PNDS uza di'ak no kapás, tanba ne'e mak sira propoint atu planu uma 3 ba iha munisípiu Aileu ne'ebé uza Sistema PNDS hodi konstrui Uma ba Polisia komunitariu.

Entretantu representante husi PNDS Nasional, Chefe Unidade Operasional Programa PNDS, Sr. Rosito Guterres, hatete diskusaun ho ekipa husi PNTL no representante husi Embaxada Japaun kona-ba sistema PNDS ne'ebé sei uza hodi implementa konstrusaun uma ba polisia komunitariu, atu hare ba lala'ok implementasaun nian.

PNDS

Hamutuk Ita
Dezenvolve Nasaun

Novembru 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)



Prioridades sira lha implementasaun PNDS 2017

Faze I Siklu 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk

Sekretariado Tekniku PNDS hala'o Treinamentu Formatus no Jestaun Implementasaun uma Oficial Polisia Suku ba Funsionariu Munisipiu


Treinamentu ne'e hala'o hodi sosializa mos formatu Tekniku, Finansas no Sosial ne'ebé sei sai hanesan guia ba implementasaun uma ofisial polisia suku. Sorumutu nee hala'o iha edifisio central PNDS, eis Ministerio das Finansas.

Diretora PNDS, Dulce Guterres Junior iha intervensaun hateten treinamentu formatu ne'ebe prepara ona atu ekipa tékniku tantu enjineiru, kontabilista no sosial iha presepsaun ne'ebé hanesan hodi implementa uma OPS iha Munisipiu 12 inklui Regiaun Espesial Oecusse. Diretora orienta katak iha prosesu implementasaun hahú husi prosesu aprovizionamentu, kotasaun tengki distribui husi comunidade sira ne'ebe reprejenta husi ekipa jestaun suku atu hare kapasidade comunidade nia hodi implementa uma OPS.

Orsamentu ba implementasaun uma OPS nee mai husi orsamentu apoiu Governo Nova Zelandia neebe halo ona akordu implementasaun iha fulan kotuk, tuir kalendaru implementasaun iha terenu sei hahú iha lora 16 fulan outubro tinan ne'e.



Faze II Siklu 2



Sekretariadu Tékniku PNDS Fasilita Semináriu Nivel Munisipiu kona-ba Kontribuisaun Programa Nasionál Dezenvolvimentu Suku Hodi Hasa'e Rendementu Ekonomia Feto iha Munisipiu Baucau

Semináriu kona-ba kontribuisaun Programa Nasionál Dezenvolvimentu Suku Hodi Hasa'e Rendementu Ekonomia feto iha munisipiu baucau ne'e hala'o iha salaun enkontru Stae Enkontru Munisipiu Baucau, 13/09/2017.

Seminariu ne'e hala'o ho objetivu atu fahe esperensia ba malu husi istória ne'ebe diak, suksesu no fo oportunidade ba feto maluk sira atu aprende kona ba oinsá PNDS fó tulun ba feto sira hodi hasa'e sira nia vida ekonomia lor-lora no iha tempu hanesan partisipante (grupu feto sira) mós sei lori sira nia produitu ne'ebé durante ne'e produs liu husi kontribuisaun PNDS nian.

Dulce Guterres Junior, nu'udar Diretora Nasional Programa PNDS ne'ebe partisipa iha Seminariu ne'e hatete katak ida ne'e diak tebes ba maluk feto sira tamba bele fahe esperensia no informasaun husi istoria diak para bele motiva maluk feto sira seluk atu hasa'e sira nia kapasidade no enkorajen feto maluk sira hodi kontinua involve an nafatin liu husi partisipasaun barak liu tan iha prosesu tomak hodi bele hadi'a diak liu tan implementasaun programa PNDS iha nivel aldeia no suku.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl